



## Universitätsbibliothek Paderborn

### **Conciliorvm Omnivm Generalivm Et Provincialivm Collectio Regia**

Ab anno DLXXVII. ad annum DXC.

**Parisiis, 1644**

Epistola LXX. Gregorii Papae I. Ad Evsebivm, Vrbicivm, &c. Iubet ob  
superbiam Ioannis episcopi Constantinopolitani, & Cyriaci, qui superbum  
vniuersalis nomen vsurpabant, ne quisquam in illorum ...

**urn:nbn:de:hbz:466:1-15221**

## EPISTOLA LXX.

## GREGORII PAPÆ I.

AD EVSEBIVM, VRBICIVM, &amp;c.

Iubet ob superbiam Ioannis episcopi Constantinopolitani, & Cyriaci, qui superbū vniuersalis nomen usurpabant, ne quisquam in illorum subscriptionibus hanc vocem vniuersalis adiiciat.

*Gregorius Eusebio Thessalonicensi, Vrbicio Dyrrachitano, Andreæ Nicopolitano, Ioanni Corinthio, Ioanni primæ Justinianæ, Ioanni Cretensi, Ioanni Larissæ & Scodritano, aliisque pluribus episcopis.*

**S**V S C E P T I regiminis cura constringimur officii nostri solitudinem vigilanter extendere, & fratrum nostrorum animos sermone admonitionis instruere, vt nec ignorantēs præsumptio praua decipere, nec scientes dissimulatio quædam valeat excusare. Cognoscat siquidem fraternitas vestra Ioannem quondam Constantinopolitanæ ciuitatis antistitem contra Deum, contra pacem ecclesiæ, in omnium despectu & iniuria sacerdotum, modestiæ ac mensuræ suæ terminos excessisse, & illicite in Synodo superbū ac pestiferum œcumenicum, hoc est, vniuersalis sibi vocabulum usurpatum. Quod beatæ recordationis Pelagius decessor noster agnoscens, omnia gesta eiusdem Synodi, præter illa quæ illic de causa venerandæ memoriæ Gregorii episcopi Antiocheni sunt habita, valida omnino distictione cassavit, distictissima illum increpatione corripiens, vt se a nouo & temerario superstitionis nomine cohiberet: adeo vt suum illi diaconum, nisi tantum nefas emendaret, procedere prohiberet. Cuius nos rectitudinis zelo per omnia inharentes, statuta ipsius sine refragatione Deo protegente seruamus; quia dignum est vt rectam decessoris sui viam gressibus inoffensis incedat, quem de eodem loco ad reddendam rationem æterni iudicis tribunal expectat. In qua re ne quid omittere quod ad pacem ecclesiæ pertinet videremur, nostris eumdem sanctissimum Ioannem scriptis semel iterumque conuenimus, vt amoto superbia vocabulo cordis sui elationem ad humilitatem, quam magister & Dominus noster docuit, incli-

inclinaret. Quem quoniam neglexisse comperimus hæc eadem, & beatissimū fratrem & consacerdotem nostrum Cyriacum successorem ipsius concordia studio non destitimus admonere. Sed quia hoc iam, vt videmus, mundi hu- ius termino propinquante, in præcursione sua apparuit hu- mani generis inimicus, vt ipsos qui ei contradicere bene atque humiliter viuendo debuerunt, per hoc superbiæ vo- cabulum præcursores habeat fæcerotes ; hortor atque suadeo vt nullus vestrum hoc nomen aliquando recipiat, nullus consentiat, nullus scribat, nullus vbi fuerit scri- ptum admittat, vel subscriptionem suam adiiciat: sed, sicut omnipotentis Dei ministros decet, integrum se ab huius- cemodi venenata infectione custodiat, & callido insidia- tori in se locum non præbeat: quoniam & hoc in totius ec- clesiæ iniuriam ac dissensionē, &, sicut diximus, in omnium vestrum despectum fit. Nam si vñus, vt putat, vniuersalis est, restat vt vos episcopi non sitis. Præterea peruenit ad nos, quod fraternitas vestra ad urbem Constantinopolim sit conuocata. Et quamvis piissimus noster imperator agi illic illicita non permittat, tamen ne peruersi homines Conuentus vestri occasione reperta, aut pro huius nomi- nis superstitione locum surreptionis requirant, aut ob aliam rem facere Synodum cogitent, quatenus hoc in ea callidis machinationibus inducant, quamvis sine aposto- licæ sedis auctoritate atque consensu nullas quæcumque acta fuerint vires habeant; verumtamen coram omnipotenti Deo contestor & admoneo, vt nullius vestrum illic quibuslibet suasionibus, quibuslibet blandimentis, quibus- libet præmiis, quibuslibet terroribus teneatur assensus: sed pro æterni iudicii consideratione aduersus præ- raua deside- ria salubriter atque vnanimiter vos exhibete, & pastorali constantia atque apostolica auctoritate suffulti prædo- nem irruentemque lupum excludite, & in dissensionem ecclesiæ sœuenti non cedite, ne de hac re quacumque sur- reptione Synodus patiamini, quæ neque legitima quidem nec Synodus dicenda est, celebrari. Hoc quoque pariter admonemus, vt si forte nil actum de huius peruersi nomi- nis mentione fuerit, sed de alia re Synodus forte colligitur, omnino sitis cauti, circumspecti, vigilantes, atque soli- citi, ne quid illic \* contra locum aliquem vel personam

*Concil. Tom. 13.*

S lll

\* ab circa

præjudicialiter siue illicite, vel aduersus Canones censetur. Sed si quid incidentis vtilitatis causa tractandum est, sic causa de qua agitur formam accipiat, vt statuta vetera nulla conuellat. Vnde iterum coram Deo & sanctis ipsis admonemus, vt hæc omnia summo studio, & tota mentis intentione seruetis. Nam si quis, quod non credimus, scripta præsentia aliqua in parte neglexerit, a beati Petri apostolorum principis pace se nouerit segregatum. Ita ergo fraternitas vestra agat, vt cum pastor pastorum in iudicio venerit, de loco regiminis quem accepit reatum habere non possit.

## EPISTOLA LXXI.

## GREGORII PAPÆ I.

AD MAVRENTIVM MAGISTRVM MILITVM.

Theodorum oppressum commendat.

*Gregorius Maurentio magistro militum.*

**V**ALDE mirati sumus quod vobis in Neapolitana ciuitate positis, venire ad nos pro quibusdam causis Theodorus vir memorandus præsentium portitor cogeretur, maxime dum in illa se re contra antiquum morem a fratre & coepiscopo nostro Fortunato queratur præjudicium pertulisse: quam ad curam dispositionemque patroni ciuitatis eiusdem gloria vestra teste afferit sine dubio pertinere. Quod si ita se res habet, omnino contristamur, cur in eius vos defensione veritas non permouit, vt & libere quod esset ratio diceretis, & referuari quod longa sibi consuetudo iure vendicat faceretis. Quia ergo graue nimis est contra veterem usum sacerdotes sibi quidquam arripere, vnde in laicorum videntur actus incidere, prædicto fratri coepiscopoque nostro scribere quæ nobis sunt via curauimus, ipsorumque ad vos scriptorum exemplar transmisimus, vt ex eis quid debeat quamcuius scrutari gloria vestra cognoscatur. Præterea indicauit nobis supradictus portitor, Vectano, qui comes fuit in Missinati castello, propterea quod eum nobilem fuisse nouerat, & paupertate nimia laborabat, viginti vrnas vini per duos annos de insula Prochyta, quæ ei vicina erat, misericordia intuito se fuisse largitum, & nunc eas de eadem insula successo-